

Zbirka medijskih objava

VladaBrckoDistrikta_kliping_dnevno,
za razdoblje 12. 12. 2022

Broj objava: 16

Internet: 9

Televizija: 1

Štampa: 6

Teme praćenja:

Vlada Brčko Distrikta: 4

Gradonačelnik: 2

Skupština Brčko: 0

Brčko: 10

Vlada Brčko Distrikta:

Internet	Naslov	Brčko: Javni poziv za usluge kreditiranja razvoja poljoprivrede		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 9. 12. 2022		
	Autor	Unknown		
	Teme	Vlada Brčko Distrikta		

Internet	Naslov	Brčko: 850 hiljada KM za pomoć socijalno ugroženima		
Serijski br. 2	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 9. 12. 2022		
	Autor	Unknown		
	Teme	Vlada Brčko Distrikta		

Internet	Naslov	Brčko: Održana 21. "Smotra amaterskog kulturnog stvaralaštva"		
Serijski br. 3	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 11. 12. 2022		
	Autor	Živković Sandra		
	Teme	Vlada Brčko Distrikta		

Internet	Naslov	СЕРВИСНЕ ИНФОРМАЦИЈЕ за понедељак 12.12.2022. године		
Serijski br. 4	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 12. 12. 2022		
	Autor	N. N.		
	Teme	Vlada Brčko Distrikta		

Gradonačelnik Brčko Distrikta:

Internet	Naslov	Brčko: Mjesna zajednica Brka spojena na gradski vodovod		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 9. 12. 2022		
	Autor	Unknown		
	Teme	Gradonačelnik Brčko Distrikta		

Televizija	Naslov	MZ Brka konačno spojena na gradski vodovod		
Serijski br. 2	Medij; Doseg	BDC TV; , Bosna i Hercegovina	19:00	Trajanje: 2 min
	Rubrika, Datum	Centralne vijesti; 10. 12. 2022		
	Autor	Unknown		
	Teme	Gradonačelnik Brčko Distrikta		

Brčko:

Internet	Naslov	Uz dobru muziku i zabavu otvoren Brčko City Park (FOTO)		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 9. 12. 2022		
	Autor	Unknown		
	Teme	Brčko		

Internet	Naslov	Brčko: Obilježavanje "Mjeseca knjige"završeno gostovanjem Marka Marčela		
Serijski br. 2	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 9. 12. 2022		
	Autor	Unknown		
	Teme	Brčko		

Internet	Naslov	Gradski oci brišu slavnju tradiciju sportskih kolektiva u Brčkom! Gradski oci brišu slavnju tradiciju sportskih kolektiva u Brčkom!		
Serijski br. 3	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 11. 12. 2022		
	Autor	Unknown		
	Teme	Brčko		

Štampa	Naslov	Favoriti grabe, SOK Mostar potpuno izvan forme		
Serijski br. 4	Medij; Doseg	Večernji list; 141.611, Bosna i Hercegovina	Stranica: 44	Površina: 530 cm ²
	Rubrika, Datum	Sport; 12. 12. 2022		
	Autor	Musa Dušan		
	Teme	Brčko		

Štampa	Naslov	Izgradnja autoputa		
Serijski br. 5	Medij; Doseg	Dnevni avaz; 50.000, Bosna i Hercegovina	Stranica: 8	Površina: 60 cm ²
	Rubrika, Datum	Teme; 12. 12. 2022		
	Autor	Unknown		
	Teme	Brčko		

Štampa	Naslov	Možemo proći grupu na EP		
Serijski br. 6	Medij; Doseg	Dnevni avaz; 50.000, Bosna i Hercegovina	Stranica: 22	Površina: 564 cm ²
	Rubrika, Datum	Sport; 12. 12. 2022		
	Autor	Er.Bijedić		
	Teme	Brčko		

Internet	Naslov	Brčko: Poziv oboljelim od multiple skleroze Brčko: Poziv oboljelim od multiple skleroze		
Serijski br. 7	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 12. 12. 2022		
	Autor	Unknown		
	Teme	Brčko		

Štampa	Naslov	Gdje završava novac za zasuni od poplava?		
Serijski br. 8	Medij; Doseg	Dnevni list; , Bosna i Hercegovina	Stranica: 8	Površina: 585 cm ²
	Rubrika, Datum	Događaji; 12. 12. 2022		
	Autor	H. Ž.		
	Teme	Brčko		

Štampa	Naslov	Podijeljeno 460 paketa hrane za ugrožene		
Serijski br. 9	Medij; Doseg	Nezavisne novine; , Bosna i Hercegovina	Stranica: 9	Površina: 54 cm ²
	Rubrika, Datum	Događaji; 12. 12. 2022		
	Autor	Unknown		
	Teme	Brčko		

Štampa	Naslov	Raspisan tender za dionicu vrijednu 400 miliona maraka		
Serijski br. 10	Medij; Doseg	Poslovne novosti; , Bosna i Hercegovina	Stranica: 5	Površina: 118 cm ²
	Rubrika, Datum	Vijesti; 12. 12. 2022		
	Autor	Unknown		
	Teme	Brčko		

Brčko: Javni poziv za usluge kreditiranja razvoja poljoprivrede



Obavještavaju se sve banke, mikrokreditne organizacije i ostale finansijske institucije na području **Brčko** distrikta **BiH** da je **Vlada Brčko distrikta BiH**, na prijedlog Odjeljenja za poljoprivredu, šumarstvo i vodoprivredu usvojila Program o plasiranju novčanih sredstava kroz kreditne linije u cilju razvoja poljoprivrede na području **Brčko** distrikta **BiH**, broj: 05-000386/21 broj akta: **01.11-0377MB-017/21** od 23.06.2021. godine i Programa o izmjeni i dopuni Programa o plasiranju novčanih sredstava kroz kreditne linije u cilju razvoja poljoprivrede na području **Brčko** distrikta **BiH**, broj: 05-000386/21 broj akta: **01.11-0377MB-043/22** od 24.11.2022. godine.

Članom 4. navedene Odluke propisano je raspisivanje javnog poziva za sklapanje ugovora o finansijskim uslugama. Predmet javnog poziva je Plasiranje novčanih sredstava u ukupnom iznosu od 1.954.262,73 **KM** putem kreditnih linija u cilju razvoja poljoprivrede na području **Brčko** distrikta **BiH**.

Brčko: 850 hiljada KM za pomoć socijalno ugroženima



Vlada Brčko distrikta Bosne i Hercegovine okončala je 83. redovnu sjednicu odobravanjem Nacrta zakona o izvršenju budžeta Brčko distrikta **BiH** za 2023. godinu kojim se, između ostalog, uređuje struktura prihoda i primanja, rashoda i izdataka, budžeta i njegovo izvršenje, prioriteti plaćanja, kao i upravljanje finansijskom i nefinansijskom imovinom, te je usvojila Amandmane gradonačelnika na prijedlog budžeta Distrikta za 2023. godinu.

Na prijedlog Odjeljenja za privredni razvoj, sport i kulturu usvojena je Odluka o odobravanju tekućeg transfera i Programa utroška sredstava u korist Razvojno-garantnog fonda Brčko distrikta **BiH** za subvencionisanje dijela kamata za kupovinu prve nepokretnosti za rješavanje stambenog problema na teritoriji Brčko distrikta **BiH**. To podrazumijeva tekući transfer za jednokratno novčano davanje u iznosu od 80.000,00 **KM**, a svrha programa je da se fizičkim licima na području Distrikta omogući povoljniji pristup finansijskim sredstvima kroz subvenciju dijela kamata na kredite za kupovinu prve nepokretnosti.

Ujedno, Vlada je usvojila Prijedlog Odluke o odobravanju tekućeg transfera i Programa utroška sredstava Radio-novinske i izdavačke ustanove „Radio Brčko“.

Na prijedlog Odjeljenja za obrazovanje usvojena je Odluka o konačnoj rang-listi za dodjelu stipendija redovnim studentima prvog i drugog ciklusa studija s područja Brčko distrikta koji su ostvarili pravo na stipendiju za period od 1. 1. 2022. godine do 31. 7. 2022. godine.

Usvojen je prijedlog Odjeljenja za zdravstvo i ostale usluge koji se odnosi na Program utroška sredstava donacija pojedincu korisniku socijalno-programskih mjera za komunalne usluge. Za ove potrebe odobren je ukupan iznos od 850.000,00 **KM** koji će se, posredstvom JP „Komunalno Brčko“ d. o. o. Brčko distrikt **BiH**, uplatiti korisniku socijalno-programskih mjera, jednokratno u 2022. godini.

Takođe, usvojen je Program utroška sredstava za dodjelu tekućeg transfera za zdravstvo JZU „Zdravstveni centar Brčko“ Brčko distrikta **BiH**, kao i Program utroška sredstava: Donacija Crvenom krstu/križu Brčko distrikta **BiH** za saradnju u programu prevencije Interventne aktivnosti zbrinjavanja ranjivih grupa.

Vlada je okončala sjednicu usvojivši Odluku o odobravanju sredstava iz fonda za nacionalne manjine u iznosu od 50.000,00 **KM**, kao i Program utroška sredstava za finansiranje programa i projekata čiji je cilj zaštita prava pripadnika nacionalnih manjina za 2022. godinu kojim se reguliše zaštita prava pripadnika nacionalnih manjina, očuvanje i promocija njihovih različitih kulturnih, etničkih, jezičkih, tradicionalnih i vjerskih identiteta te kulturnog nasljeđa.

Brčko: Mjesna zajednica Brka spojena na gradski vodovod



Radovi na projektu izgradnje infrastrukture, tačnije povezivanje **MZ** Brka i Industrijske zone McGovern na vodovodni sistem uspješno su okončani, te je na tom lokalitetu puštena u rad prepumpna stanica koju su danas obišli **gradonačelnik Brčko distrikta BiH** Esed Kadrić i šef Odjeljenja za komunalne poslove Majazudin Vehabović.

Uz dobru muziku i zabavu otvoren **Brčko** City Park (FOTO)



U četvrtak, 8.12. otvoren je dugo najavljivani najveći Retail Park u regionu – **Brčko** City Park.

Nekoliko hiljada ljudi prisustvovalo je spektakularnom otvaranju nove šoping destinacije u **Brčkom**. Osim radoznalih i ushićenih kupaca, otvaranju su prisustvovali i predstavnici Gradske uprave **Brčko** distrikta, gradonačelnik Esad Kadrić i predsjednik Skupštine Siniša Milić, mnogobrojni predstavnici zakupaca i Retail Parka.

Svi su uživali u zabavi, hrani, povoljnoj kupovini i muzici koje su za građane **Brčkog** obezbijedili predstavnici **Brčko** City Parka. Cjelodnevne animacije za djecu, super popusti u prodavnicama, koncert Dženana Lončarevića i veličanstveni vatromet upotpunili su ovu svečanost.

Brčko: Obilježavanje "Mjeseca knjige" završeno gostovanjem Marka Marčela



Ovogodišnje obilježavanje Mjeseca Knjige u **Brčkom** završeno je večeras u Gradskoj biblioteci „Razgovorom sa Markom Šelićem Marčelom“.

Nakon „Razgovora“ u **Brčkom** multidisciplinarni umjetnik Marko Marčelo za Radio **Brčko** kazao je da on prakticira način da njegov nastup nikada ne bude jedna zapakovana poruka, jer po njemu, živimo u vremenu prečica do mudrosti i lakih životnih recepata. On je rekao da je njegova publika raznorodna, a ovaj autentični umjetnik smatra da njegov uspjeh i leži u umjetničkom spoju teksta i muzike bez ustaljenih stereotipa, tako da je i njegov večerašnji nastup protekao u tom duhu.

„Što se tiče moje umetničke višedimenzijsnosti, kako ste rekli, mogu da kažem da je ta vrsta izraza jednako prihvaćena svugde na način da je negde više čitalačke publike, nekad je to više slušalačka publika, a ima i ljudi koji me niti čitaju niti slušaju nego samo čitaju moje intervju i to im se dopada, haha“, kazao je vedri i raspoloženi Marčelo.

MZ Brka konačno spojena na gradski vodovod



otisak.ba



Gradski oci brišu slavnu tradiciju sportskih kolektiva u **Brčkom!**

Nakon što su gradski oci odlučili da "ukopaju" FK Jedinstvo iz **Brčkog** koje je osnovano 1919.godine i koje je preživjelo teška vremena, pa nakon toga atletski klub Cross, na red je došao muški odbojkaški klub Jedinstvo.

Vlast u **Brčkom** ne zanima ni činjenica da su s ponosom ovi sportski kolektivi pronosili slavu **Brčkom** širom Bosne i Hercegovine, regiona, ali i Evrope. Njih, izgleda ne zanima ništa.

Ovaj put u cijelosti prenosimo vapaj iz muškog odbojkaškog kluba Jedinstvo kojio su objavili na svojoj zvaničnoj [Facebook](#) stranici:

Poštovani ljubitelji odbojke

Poštovani navijači vašeg i našeg Jedinstva

Sinoć su naši momci još jednom pokazali sve kvalitete brčanske odbojke. Odbojke koja u našem gradu "živi" već 76 godina.

Taj broj, tih 76 godina zaista zaslužuju uvažavanje i poštovanje. Naši mladići na najbolji mogući način predstavljaju brčansku školu odbojke, naše Jedinstvo a i samo **Brčko**...

Valjda i oni a i svi mi zajedno zaslužujemo uvažavanje i poštovanje. Na žalost to nije tako u našem gradu.

Sve decenije koje su iza nas, sva brčanska mladost koja je bila i koja jeste dio Jedinstva u ovim vremenima izgleda više ne vrijede.

Tradicija više nije bitna, tradicija u **Brčkom** nema više nikakav značaj. Naravno da ne mislimo na sve vas i nas koji se još uvijek borimo i trudimo da sačuvamo brčansku odbojku.

Da sačuvamo naše Jedinstvo.

Da sačuvamo sve te divne, drage, odgovorne i uspješne mladiće koji sve svoje obaveze ispunjavaju maksimalno korektno.

Da ne dopustimo da se i ovo Jedinstvo ugasi. Svi mi zajedno (uprava, treneri, igrači) zaista činimo sve da do toga ne dođe.

Već više od godinu dana naš klub nije dobio ni marku iz budžetskih sredstava planiranih upravo za podršku i razvoj sporta u **Brčkom**.

Zašto je to tako mi zaista ne znamo.

Možemo samo da nagađamo.

Ali postoje sigurno oni koji to znaju. Njihov jedini posao je da pravedno podijele sredstva koja su već planirana budžetom.

Budžetom **Brčko** distrikta BiH.

Budžetom koji pripada svim građanima, pa i sportskim organizacijama **Brčkog**.

Niko ne traži, niti očekuje da oni pomognu brčanskom sportu vlastitim sredstvima, ličnim donacijama nego da samo podijele ono što pripada svima nama.

Poštovani navijači Jedinstva.

Bez obzira na sve mi idemo dalje, mi nećemo odustati od našeg Jedinstva.

Bićemo još bolji, još jedinstveniji jer svi mi smo JEDINSTVO.

Iako nerado prinuđeni smo da vas zamolimo za pomoć Jedinstvu.

Ovo je naš APEL ZA POMOĆ.

Jedinstvu treba va[a pomoć i da svi zajedno prevaziđemo trenutne probleme za koje mi nikako nismo krivi. Treba nam vasa pomoć da sačuvamo ove divne mlade ljude, da sačuvamo ovu brčansku mladost na okupu.

Moramo da vam napomenemo da članovi ove uprave kluba, za razliku od nekih prethodnih, sve svoje obaveze i poslove obavljaju isključivo volonterski.

Naš jedini motiv je opstanak i prosperitet Jedinstva.

Ukoliko imate želju i mogućnost da pomognete Jedinstvu uplate možete izvršiti na račun kluba ili na drugi, vama jednostavniji način.

Članovi Upravnog odbora Jedinstva su:

- 1.Mehmedalija Žilić, predsjednik kluba
- 2.Miron Tminić
- 3.Adnan Žilić
- 4.Gojko Tošić
- 5.Slobodan Zonić

Predsjednik Skupštine Jedinstva je Boško Mihajlović

Sekretar Jedinstva je Goran Sapardić

Ukoliko je za vas jednostavnije uplatu izvršiti na fizičko lice ovo su imena osoba koje su u upravnim strukturama kluba i na čija imena možete uplatiti vase donacije, vašu pomoć Jedinstvu.

Svaka uplata će biti transparentna i objavljena na FB stranici kluba.

Budite sigurni da će sva prikupljena sredstva biti upotrijebljena na najbolji mogući način.

Unaprijed se zahvaljujemo svima vama koji volite odbojku i Jedinstvo.

Sportski pozdrav.

Otisak.ba



Održana 21. “Smotra amaterskog kulturnog stvaralaštva” – RNU "Radio Brčko" Brčko distrikt BiH

☐ "Poslušajte"

U ispunjenoj sali brčanskog Doma kulture sinoć je održana tradicionalna, 21. po redu, manifestacija „Smotra amaterskog kulturnog stvaralaštva Brčko 2022“, čiji je pokrovitelj Vlada Brčko distrikta, odnosno Pododjel za gospodarski razvitak, sport i kulturu, a tehnički organizator Gradsko kulturno-umjetničko društvo Brčko distrikt BiH.

SPECIJALISTIČKA LIJEČNIČKA ORDINACIJA

Dr. Bereš

Velimir Bereš dr.med.
SPECIJALISTA ZA PLUĆNE BOLESTI

ul. prof. Murata ef. Sinanagića 1, Brčko
(kod Vatrogasnog doma)

+387 65 710 136

pon-pet 08-13h i 16-18h, subotom 08-13h

Na ovoj kulturnoj manifestaciji predstavljena je sva raskoš tradicionalnog amaterskog stvaralaštva naših prostora, te upriličeno još jedno nezaboravno druženje ljubitelja folklora.

„Ove godine smo napravili jako lijep i sadržajan jednogvečernji program. U programu su s igrama nastupila četiri kulturno-umjetnička društva koja djeluju na području Brčko distrikta. Riječ je o SKUD „Krepšić“, KUD „Brčansko kolo“ Brčko, KUD „Bosna“ Omerbegovačate KUD „Klanac“ Brčko. Večer je bila bazirana na folklornim igrama dječjih, prvih ili veteranskih ansambala“, rekao je u ime Gradskog kulturno – umjetničkog društva, suorganizator Mehmedalija Dželić.







Kroz kulturno-umjetnička društva, ali i ovu smotru izvornog stvaralaštva i običaja, nastoje se sačuvati od zaborava sve tradicijske vrijednosti stanovništva u Posavini.

„To se uglavnom prenosi, znamo svi, s koljena na koljeno. Članovi KUD-ova izvode tradicionalne igre stare i po više desetina godina i više stare, te je najvažniji talent i zanimanje omladine za to da bi to ostalo u sljedećim generacijama. Ono što je vrlo važno je da imamo i publiku koja to jako voli, voli doći i pogledati“, kazao je Dželićević.

Predstavnici svih kulturno-umjetničkih društava su izrazili zadovoljstvo što su i ove godine imali priliku nastupiti i prikazati svoju tradiciju i kulturu mnogobrojnoj brčanskoj publici.

Svi članci objavljeni na internet stranici Radija **Brčko** (www.radiobrcko.ba) isključivo su vlasništvo redakcije. Radio **Brčko** dopušta ograničeno i povremeno prenošenje članaka sa svoje internet stranice u drugim medijima. Drugi mediji smiju prenijeti informacije iz pojedinih članaka sa Internet stranice Radija **Brčko** (www.radiobrcko.ba) isključivo kao kratku vijest od najviše četiri reda (300 slovnih znakova), uz obavezno navođenje izvora (Radio **Brčko**), pri čemu su on-line izdanja dužna objaviti link na originalni tekst na web stranicu radiobrcko.ba, ukoliko s uredništvom portala nije postignut dogovor o drugačijim uslovima. Radio **Brčko** je odlučan u nastojanju da zaštiti svoje intelektualno vlasništvo i rad svojih autora. Ukoliko se bilo koji dio teksta ili informacija iz teksta objavljenog na internet stranici www.radiobrcko.ba prenese suprotno ovim pravilima, protiv prekršioca će biti pokrenut pravni postupak pred Osnovnim sudom **Brčko** distrikta. Za detaljnije informacije o uslovima korištenja kliknite na

[USLOVI KORIŠTENJA](#).



Favoriti grabe, SOK Mostar potpuno izvan forme

Na žalost simpatizera mostarskih odbojkašica, dva vezana prvenstvena kola bila su razočaravajuća za ovu ekipu



DUŠAN MUSA

Nakon pobjede u Kupu Ilidžankama krenulo i u prvenstvu

Dušan Musa

Bez stanke nastavljen je drugi dio ligaškog dijela prvenstva odbojkašica BiH. Štoviše, odbojkašice su u proteklih šest dana imale dvostruki program, odradile su dva kola, deseto i jedanaesto, pa je do kraja prve dionice preostalo još samo jedno kolo.

Razočaravajući porazi

Na žalost simpatizera mostarskih odbojkašica, dva vezana kola bila su razočaravajuća. Podsjećamo, Mostar je sezonu počeo mini-

malnom gostujućom pobjedom protiv Igmana na Ilidži 2:3, da bi u desetom kolu doživio pravu katastrofu. U tri seta u Sportskoj dvorani "Bijeli brijeg" osvojio je samo 44 poena!

Ne sjećamo se da je tako uvjerljivo gubio i od neprikosnovenog Bimal Jedinstva. Nema se što reći o toj utakmici, jer su Sokice kako-tako odigrale samo prvi set, koji je završen pobjedom gošći - 22:25, s onda je slijedila prava katastrofa, 14:25, i na koncu nevjerojatnih 8:25, kao da su igrale pionirke, jer Igman je možda u ovom trenutku od Mostara jača ekipa, ali ne toliko jaka da se "zaglubi" na samo osam poena. U

jedanaestom kolu Mostarke su u hercegovačkom derbiju kod favoriziranog Gacka odigrale solidno, dva seta izgubile su na razliku: prvi 25:23, a poslije velike borbe i drugi - 30:28. Treći set Gačanke su lagano riješile u svoju korist - 25:15. U posljednjem kolu prvog dijela prvenstva odbojkašica Mostaru stiže "fenjeraš" Borac, što je prilika za kakav-takav bodovni opravak, bar da se čuva sedmo mjesto, a nakon toga treneru Darku Drmaču predstoji rad na otklanjanju slabosti u igri. Ostaje vidjeti mogu li Mostarke pronaći izlaz nakon nekoliko neugodnih poraza.

Uz domaći poraz od Igmana

u desetom kolu, odbojkašice Borca "pale" su i u 11. kolu, i to u gradskom derbiju od Banja Luka Volleyja. Očekivane pobjede postiglo je i vodeće Bimal Jedinstvo protiv Slobode. Kuriozitet tog susreta je da je Sloboda u prvom setu osvojila samo 7 poena (!), a ukupno jedva 46. Nešto manje uvjerljivo bilo je Gacko protiv Goražda koje je dostiglo ukupno 59 poena. Ipak, najvažnije bodove iščupala je Kula Gradačac protiv Jahorine, 3:1, čime je ova neka- jaka ekipa pobjegla iz zone najugroženijih.

Osim poraza Mostara u Gacku, 11. kolo donijelo je i očekivane pobjede ostalih dvaju favori-

ta - Bimal Jedinstvo slavilo je u Goraždu s 0:3. Može se reći da je domaći sastav pružio solidan otpor. Primjerice, drugi set izgubio je na razliku - 23:25. BL Volley je u dvorani "Peki" na Palama došao do nove pobjede. Zanimljivo, domaća Jahorina povelja je poslije lagodnih 25:19, međutim, za nastavak nije bilo snage pa su gošće otputovale u Banju Luku pjevajući.

Prepuštite bod

Za Ilidžanke je zgsnuti program dvije utakmice u šest dana bio poticajan, pa su nakon Mostara u gostima nadigrale Borac i tako ga prikovale na dno ljestvice i probile se na četvrtu poziciju. Banjolučanke su priliku za koji bod propustile u prvom setu koji su izgubile na razliku 24:26, dobile su treći 25:23, ali to je bilo nedovoljno za nešto više od časnog poraza. Sloboda je u derbiju sjeveristočne Bosne nadigrala Kulu s 3:1 i tako se učvrstila na šestoj poziciji. Kula nije pružila značajniji otpor.


Premijer liga odbojkašica, rezultati, 10. kolo, Mostar: Mostar

Bez stanke nastavljen je drugi dio ligaškog dijela prvenstva odbojkašica Bosne i Hercegovine

- Igman 0:3 (22:25, 14:25, 8:25), Banja Luka: Banja Luka Volley - Borac 3:0 (25:16, 25:18, 25:11), Gradačac: Kula Gradačac - Jahorina 3:1 (25:15, 25:18, 25:11), **Brčko**: Bimal Jedinstvo - Sloboda 3:0 (25:7, 25:16, 25:23), Gacko: Gacko - Goražde 3:0 (25:16, 25:22, 25:21).

Rezultati 11. kola Premijer lige odbojkašica, Gacko: Gacko - Mostar 3:0 (25:23, 30:28, 25:15), Goražde: Goražde - Bimal Jedinstvo 0:3 (20:25, 23:25, 19:25), Tuzla: Sloboda - Kula Gradačac 3:0 (25:22, 25:23, 25:15), Pale: Jahorina - Banja Luka Volley 1:3 (25:19, 20:25, 13:25, 13:25), Banja Luka: Borac - Igman 1:3 (24:26, 13:25, 25:23, 16:25).

Poredak poslije 11. kola prvenstva BiH: 1. Bimal Jedinstvo 30, 2. Gacko 28, 3. Banja Luka Volley 27, 4. Igman 19, 5. Goražde 19, 6. Sloboda 16, 7. Mostar 11, 8. Kula Gradačac 8, 9. Jahorina 4, 10. Borac 3 boda.

**Brčko – Bijeljina**

Dionica duga 17 kilometara

Izgradnja autoputa

► „Autoputevi Republike Srpske“ raspisali su javni poziv za izgradnju autoputa između **Brčkog** i Bijeljine.

Riječ je o projektu od 350 miliona KM bez PDV-a, odnosno više od 400 miliona KM ako se uračuna ovaj porez. Poziv se odnosi na “nabavku, finansiranje, projektiranje i izgradnju dionice autoputa **Brčko – Bijeljina**”, koja je duga oko 17 kilometara.

Rok za preuzimanje tenderske dokumentacije je 8. januar, a za podnošenje prijava 18. januar, kada će one biti i otvorene. Ova dionica je dio autoputa Beograd – Sarajevo i Beograd – Banja Luka. Dio autoputa od Bijeljine do granice sa Srbijom već se gradi.



Ajla Paradžik, reprezentativka BiH, za "Dnevni avaz"

Možemo proći grupu na EP

Uzbuđena sam jer prvi put igram grupnu fazu Lige prvaka, rekla je Goraždanka



Paradžik: Zadovoljna sam, ovo je stvarno klub na visokom nivou

Jedna od najboljih bosanskohercegovačkih odbojkašica, Ajla Paradžik (28) od ove sezone nastupa za Muluz, koji se takmiči i u Ligi prvaka. To je bio njen transfer karijere, a ostvarila ga je poslije dvije sezone u Francuskoj gdje je nastupala za Nansi i St Rafael, u kojem je prošle

sezone bila treći bloker lige te najbolji poenter za svoju poziciju srednjeg blokera.

Klupski iskorak

Prelaskom u Muluz je napravila klupski iskorak jer se radi o vrlo ambicioznom kolektivu.

- Zadovoljna sam, ovo je stvarno klub na visokom nivou, s vrhunskom organizacijom i uslovima. Imamo novu ekipu pa u prvenstvu imamo uspone i padove. Imali smo dosta igračica koje su bile na Svjetskom prvenstvu te se priključile samo nekoliko dana pred početak prvenstva, tako da još pokušavamo pronaći ritam ekipe. Ali mislim da to ide u pozitivnom smjeru i da ćemo u drugom dijelu biti u punoj snazi i najboljoj formi – rekla je za "Dnevni avaz" Ajla Paradžik koja prvi put nastupa u Ligi prvaka.

- Uzbuđena sam jer prvi put igram grupnu fazu Lige prvaka. Jednom sam igrala s Jedinstvom (Brčko – op.a.) pretkvalifikacije za Ligu prvaka, a sad prvi put imam čast i zadovoljstvo igrati grupnu fazu, što je najveći nivo takmičenja u Evropi.

Njen klub ima najviše

Zavisimo od uslova

Sa priprema reprezentacije koja se plasirala na EP i igrala Zlatnu ligu su nerijetko dolazile informacije o lošim uslovima za "Zmajice".

- Mogu reći da je ovog ljeta bilo jako teško. Pripreme i uslovi nisu na nivou kakav zasluđuje jedan sportista, pogotovo profesionalni sportista, a pola našeg tima se bavi pro-

fesionalno i na visokom nivou igra odbojku. Kad iz takvih dobrih uslova dođeš u reprezentaciju gdje nije povoljno, ne možeš biti u najboljoj formi ni pružiti svoj maksimum, a i pored svega toga smo ostvarile uspjehe. Mislim da sa samo malo boljim uslovima možemo napraviti puno toga jer imamo super reprezentaciju sa iskusnim

igračicama koje igraju na visokom nivou već par godina. Imamo i mlade djevojke koje dolaze, jako su talentirane, vrijedne i željne dokazivanja, te stručni štab koji odlično radi svoj dio posla. Sve to zajedno može donijeti veliki uspjeh, ali prije svega sve to zavisi od uslova kakve će nam obezbijediti Savez – smatra Ajla Paradžik.



"Majice" će igrati s Rumunijom, Švicarskom, Hrvatskom, Bugarskom i Italijom

nbicije.

- Imamo jako čisto postavljene ciljeve, a to je i se osvoji prvenstvo i up, a da u Ligi prvaka pokušamo napraviti što bolji rezultat. Cilj je da smo budemo i sljedeće zone – pojašnjava Ajla koja je pronašla svoje jesto u jakom timu.

- Za mene sezona ide u dobrom smjeru. Super je imati konkurenciju, dručiji je odnos kad je svih igračica na visokom nivou, tako da uvijek sve imaju priliku napredovati.

Uvijek se moraš dokazivati, moraš dati maksimu

svaku utakmicu da zadržiš svoju poziciju, a meni ide jako dobro – istakla je.

Savez na potezu

Goraždanka je članica naše odbojkaške reprezentacije koja se po drugi put plasirala na Evropsko prvenstvo (od 15. avgusta do 3. septembra 2023.), a tamo će igrati u grupi sa Rumunijom, Švicarskom, Hrvatskom, Bugarskom i Italijom. EP se igra u četiri države, Belgiji, Italiji, Njemačkoj i Estoniji, a domaćin naše grupe je Italija, koja je i

favorit.

- Mislim da je grupa u redu, nije teška, ni laka, ali svakako povoljnija nego na prošlom Evropskom prvenstvu. Prvobitno sve zavisi od uslova kakve će nam Savez obezbijediti. Ako budemo imali dovoljan broj dana za pripremu u dobrim uslovima i uz prijateljske utakmice, sigurna sam da naša reprezentacija može napraviti iskorak i proći grupnu fazu. Ali mislim da će najviše zavisiti od Saveza i priprema – izjavila je Ajla Paradžik.

Er. BIJEDIĆ



Poziv oboljelim od multiple skleroze

Molimo sve oboljele od multiple skleroze u **Brčko** distriktu Bosne i Hercegovine koji se nisu učlanili u naše udruženje da to učine radi ostvarivanja svojih prava na dostojanstven život.

Zajedno smo jači. Detaljnije informacije možete dobiti kontaktiranjem **Udruženja oboljelih od multiple skleroze Brčko** na broj **+38765287046**.

Otisak.ba

radiobrcko.ba



СЕРВИСНЕ ИНФОРМАЦИЈЕ за понедељак 12.12.2022. године – RNU "Radio **Brčko**" **Brčko** distrikt BiH

☐ "Poslušajte"

РЈ ЕЛЕКТРОДИСТРИБУЦИЈА

SPECIJALISTIČKA LIJEČNIČKA ORDINACIJA Dr. Bereš Velimir Bereš dr.med. SPECIJALISTA ZA PLUĆNE BOLESTI	ul. prof. Murata ef. Sinanagića 1, Brčko (kod Vatrogasnog doma) +387 65 710 136 pon-pet 08-13h i 16-18h, subotom 08-13h
--	--

Застоји у испоруци електричне енергије:

- ТС 10/0,4кV Ријеке 1, (један НН) излаз, 30 мин.у току дана
- ТС 10/0,4кV Горњи Брезик 1, (један НН) излаз, један сат у току дана

РЈ ВОДОВОД И КАНАЛИЗАЦИЈА

- Радови на санацији цурења на водоводној мрежи изводе се у ул. Бранка Кисића и Мераје III. Могући су краћи застоји у испоруци воде.
- У другим дијеловима градског водоводног система очекује се уредно водоснабдијевање.
- На свим локалним водоводним системима очекује се уредно водоснабдијевање.
- Квалитет воде је задовољавајући и одговара Правилнику о здравственој исправности воде за пиће (Сл.

гласник БиХ, бројеви: 40/10, 43/10 и 30/12).

РЈ ЧИСТОЋА

Служба за управљање отпадом

Према плану, данас ће прикупљање и одвоз смећа од правних и физичких лица бити организовано у насељима:

Центар – Српска Варош – Илићка – Поточари, Грчица, Диздаруша – Пољопривредник, Бродуша – Стари Расадиш – Брод лијева страна, Плазуље – Грбавица – Доњи Рахић – Улице – Горице, Мујкићи – Глухаковац – Брод десна страна, Вучиловац – Дренава.

Служба за јавну хигијену

Одржавање јавних, зелених и саобраћајних површина ће се одвијати у складу са Планом и програмом надлежног одјељења **Владе Брчко** дистrikта БиХ за одржавање јавних површина:

- Сакупљање и уклањање отпадака са јавних површина, ручно чишћење јавних површина, пражњење посуда за отпатке.
- Одржавање пјешачке зоне и Булеvara Мира: чишћење, сакупљање отпадака и пражњење корпица
- Одржавање јавних и зелених површина у складу са годишњим планом

Сектор за збрињавање напуштених животиња

- *Удомљавање паса* из азила сваког уторка и петка од 10:00 – 11:00 h

ОСТАЛЕ АКТИВНОСТИ

О *осталим услугама* које пружа ЈП „Комунално **Брчко**“ можете сазнати више у корисничком сервису на www.komunalno.ba или контактирањем Позивног центра 0800 505 07.

Svi članci objavljeni na internet stranici Radija **Brčko** (www.radiobrcko.ba) isključivo su vlasništvo redakcije. Radio **Brčko** dopušta ograničeno i povremeno prenošenje članaka sa svoje internet stranice u drugim medijima. Drugi mediji smiju prenijeti informacije iz pojedinih članaka sa Internet stranice Radija **Brčko** (www.radiobrcko.ba) isključivo kao kratku vijest od najviše četiri reda (300 slovnih znakova), uz obavezno navođenje izvora (Radio **Brčko**), pri čemu su on-line izdanja dužna objaviti link na originalni tekst na web stranicu radiobrcko.ba, ukoliko s uredništvom portala nije postignut dogovor o drugačijim uslovima. Radio **Brčko** je odlučan u nastojanju da zaštiti svoje intelektualno vlasništvo i rad svojih autora. Ukoliko se bilo koji dio teksta ili informacija iz teksta objavljenog na internet stranici www.radiobrcko.ba prenese suprotno ovim pravilima, protiv prekršioca će biti pokrenut pravni postupak pred Osnovnim sudom **Brčko** distrikta. Za detaljnije informacije o uslovima korištenja kliknite na

[USLOVI KORIŠTENJA.](#)

Tagovi

[JP "Komunalno Brčko" Servisne informacije](#)



Od požara do poplave se sjetimo

Gdje završava novac za zaštitu od poplava?

O bilne padaline posljednjih dana napravile su veliki problem na sjeveru Bosne i Hercegovine, posebno u Prijedoru, kao i na putevima u Bihaću i Sanskom Mostu.

Najveći problem padaline su napravile u Prijedoru gdje je voda ušla u mnoge objekte kao što je Razvojna banka i Dom umirovljenika. Najgora situacija je u objektima na Urijama i u naseljima Topolik, Vrbiće i Puharske.

Iz Civilne zaštite ovoga grada su nam kazali da je kaos nastao zbog površinskih voda, a ne vodotoka Sane koji je dosta niži od granice kada se aktivira prvi stupanj obrane od poplava, što je 420. Do plavljenja je došlo i u većem broju mjesnih zajednica u Bihaću.

Plavljenja su zabilježena u Gati, Čavkićima, Malom Lugu, Zlopolju, Ribicu, Ripču. Najkritičnija situacija je bila je u mjesnoj zajednici Orašac gdje je ugrožena imovina i gdje su se mještani borili s bujicom, a Una u centru grada prestigla kritičnu točku.

Kritično na putevima

Padavine su izazvale izlivanje potoka na području Kostajnica, gdje do jučer na sreću nije bilo poplavljenih objekata. Na društvenim mrežama su dostupne brojne fotografije i snimke poplavljenih područja s ovih mjesta, a na nekima se vidi kako je poplavljeno i u Bihaću, Sanskom Mostu, Kozarskoj Dubici, Bosanskom Novom.


Zbog vode na kolovozu bio je obustavljen promet na putu Bosanska Otoka - Bužin - Velika Kladuša i preusmjeren na alternativne pravce. Na putevima Banja Luka-Prijedor, kod skretanja prema Kozarcu i Kamičanicima, voda je prekrila put, kao i na dionici od Prijedora prema Sanskom mostu u Čarakovu.

Na putu Bosanska Gradiška - Bosanska Dubica u mjestu Bistrica otežano se prometuje, jednom kolovoznom trakom zbog odrona i vode koja se izlila. Također, zbog veće količine vode na kolovozu vozači moraju obratiti pozornost i na put Banja Luka - Kladuša, na području Zalužana.

I na putnom pravcu Srbac - Derвента, na nekoliko mjesta usporeno se prometovalo, jednom trakom, kao i na ulazu u Kozarsku Dubicu iz pravca Prijedora. Intenzivne padaline uslovljavaju da se saobraćaj odvija usporeno i otežano na većini puteva u zemlji, pogotovo na sjeveru.

Svake godine se za civilnu zaštitu u Bosni i Hercegovini izdvajaju milijuni

Svake godine se za civilnu zaštitu u Bosni i Hercegovini izdvajaju milijuni maraka, međutim zaštita stanovnika ni ovoga puta nije na zadovoljavajućoj razini.



maraka, međutim zaštita stanovnika ni ovoga puta nije na zadovoljavajućoj razini. I pored bezbroj domaćih službi zaštite i spašavanja, u slučaju poplava ili drugih nesreća spašavanje ovisi od samih građana ili od strane pomoći.

Kompliciran sustav

U ovisnosti od razine vlasti, sredstva se izdvajaju iz proračuna, pravnih lica, osiguranja, dobrovoljnih priloga i međunarodne pomoći. Međutim, ne postoji zbrojni podatak koliko se novca ukupno izdvoji po osnovu civilne zaštite.

- Postoje planska dokumenta na osnovu kojih se radi. Prvo Federalna uprava civilne zaštite pred svaku predstojeću sezonu, pa tako i ovu jesen i zimu upućuje preporuke za preduzimanje preventivnih mjera, pa tako i od poplava. Te preporuke se daju županijskim upravama civilne zaštite, onda se spuštaju na niže razine, kao što su gradovi i općine i svi u skladu sa tim preporukama trebaju djelovati. To su preventivne mjere da se provjere svi materijalno-tehnički resursi, ljudske

I pored bezbroj domaćih službi zaštite i spašavanja, u slučaju poplava ili drugih nesreća spašavanje ovisi od samih građana ili od strane pomoći.

snage, oprema koja postoji, da se revidiraju planski dokumenti, da se očiste riječna korita, da se revidiraju ugovori sa nadležnim službama, ako nemate svoje operativne snage, onda imate ugovorne obaveze i prava sa nadležnim službama koje će vam pružiti te usluge, kao što su komunalne i ostale. Poboļšana je zaštita i spašavanje od 2014, upravo zbog te institucionalne suradnje, međuagencijske suradnje... Agencija za vodno područje Save i Jadranskog mora u Federaciji i resorne agencije na području Republike Srpske, Brčko distrikta i na razini države, uradila je šest nacerta plana upravljanja rizikom od poplava za područje rijeke Save u Federaciji i u Republici Srpskoj od 2024. do 2029. godine. Tome je pret-

hodilo mapiranje rizika za poplave, a radi se i mapiranje erozije, kazala je nedavno glasnogovornica Federalne uprave Civilne zaštite, Majda Kovač.

Oprema u Federaciji BiH je, kažu stručnjaci, zastarjela, a građani izdvajaju velika sredstva specijalno za ovu namjenu. Čak dva milijuna maraka mjesečno porezni obveznici u Federaciji BiH izdvoje za segment zaštite i spašavanja, a nitko ne zna gdje taj novac odlazi. Aner Žuljević, ranije izaslanik u Domu naroda FBiH, kaže da je Parlament Federacije od 2010, otkada je on bio u ovoj instituciji, 12 godina oklijevao da razmotri plan zaštite i spašavanja od prirodnih i drugih nesreća. On je nedavno usvojen, ali se u praksi još ne primjenjuje.

- Na primjeru poreznih obveznika Federacije BiH, ovako izgleda pregled finansijskih sredstava koja se izdvajaju za opremu i obuku Službi civilne zaštite. Ukupan broj zaposlenih u Federaciji BiH iznosi 526.000. To znači da je Federacija po osnovu 0,5 posto mjesečno sakupljala više od dva milijuna KM, kazao je. H. Ž.



LOPARE Podijeljeno 460 paketa hrane za ugrožene

LOPARE - Njemačke humanitarne organizacije "Hljeb života" iz Ulma i "Pomoć za siromašne" iz Forchajma donirale su 460 paketa hrane za socijalno ugrožene osobe s područja opštine Lopare, objavljeno je na sajtu opštine.

Paketi su pripremljeni u Nje-

mačkoj, kupljeni su uglavnom od donacija njemačkih građana i dopremljeni do humanitarne organizacije "Đakonija" u Brčkom, koja pakete pomoći distribuiše socijalno ugroženom stanovništvu regije.

Direktor Centra za socijalni rad Lopare Dejan Marković, u ime ustanove i pojedinaca kojima su paketi dodijeljeni, izrazio je zahvalnost predstavnicima humanitarnih organizacija za nesebičan trud u organizaciji prikupljanja i dostave pomoći.

"Vrijednost pojedinačnog paketa je oko 30 evra, a ukupna vrijednost pomoći koja je danas podijeljena socijalno ugroženom stanovništvu naše opštine je oko 14.000 evra", naveo je Marković. (Srna)



REPUBLIKA SRPSKA

Raspisan tender za dionicu vrijednu 400 miliona maraka



Autoput **Brčko-Bijeljina**

Autoputevi Republike Srpske (RS) raspisali su javni poziv za izgradnju autoputa između **Brčkog** i Bijeljine. Riječ je o projektu od 350 miliona KM bez poreza na dodatu vrijednost, odnosno preko 400 miliona ako se uračuna ovaj porez.

Poziv se odnosi na nabavku finansiranje, projektovanje i izgradnju dionice autoputa **Brčko-Bijeljina** koja je duga oko 17 kilometara.

Rok za preuzimanje tenderske dokumentacije je 8. januara, a za podnošenje prijave 18. januara, kada će one biti i otvorene.

Riječ je o otvorenom postupku, a kriterij je ekonomski najpovoljnija ponuda. Cijena čini 80 posto, a garantni rok 20 posto učešća.

Ova dionica je dio autoputa Beograd-Sarajevo i Beograd-Banja Luka. Dio autoputa od Bijeljine do granice sa Srbijom već se gradi.